



Snæfellsstofa Skriðuklaustri, júlí 2019

Ágæti leiðsögumaður með hreindýraveiðum

Þjóðgarðsvörður á austursvæði vill með bréfi þessu kynna þær reglur sem gilda um veiðar innan þjóðgarðsmarka á Snæfellsöræfum.

Griðland við Snæfell og austan þess. Innan griðlands eru veiðar á fuglum og hreindýrum ekki heimilar, m.a. vegna: mikilvægra varplanda og fellistaða, votlendis sem nýlega varð alþjóðlegt verndarsvæði (RAMSAR) og vegna gildis svæðisins fyrir almenna útivist og náttúruskoðun. Griðlandið er um 117 km² og er Snæfellsskáli innan þess. Mörk griðlands má finna í viðhengi og á vefsíðu þjóðgarðsins www.vjp.is.

Hreindýraveiðar eru heimilar á Snæfellsöræfum, milli Háslóns og Jökulsár í Fljótsdal, frá 15. ágúst. Með þessu móti fá kýr og kálfar næði til að fita sig fyrir veturinn og þar að auki eru minni líkur á hagsmunaárekstrum milli ferðamanna og veiðimanna á svæðinu á þessum tíma.

Við hreindýraveiðar er þó heimilt að fella dýr allt að 1.000 metrum fyrir innan þjóðgarðsmörk fyrir 15. ágúst en einungis þegar verið er að elta hjörð. Komi til slíks skal tilkynna það svo fljótt sem auðið er til landvarða í Snæfelli (s. 824 4367) eða þjóðgarðsvarðar (s. 842 4365).

Gæsaveiðar á austursvæði Vatnajökulspjóðgarðs eru heimilar frá 20. ágúst. Þjóðgarðsverði, að höfðu samráði við náttúrustofu Austurlands, er þó heimilt að gefa út tilkynningu um seinkun veiða, gefi mat viðurkenndra aðila á varpframvindu heiðargæsar á svæðinu að vori ástæðu til frestunar. Slíka tilkynningu skal gefa út eigi síðar en 15. júlí ár hvert. **Gæsaveiðar á austursvæði hefjast á hefðbundnum tíma í ár.**

Undanfarin ár hefur samstarf við leiðsögumenn verið með ágætum. Þjóðgarðsvörður vill minna á mikilvægi góðrar umgengni og sérstaklega biðja leiðsögumenn með hreindýraveiðum um að taka þátt í baráttunni gegn akstri utan vega með starfsfólki þjóðgarðsins. Einnig hvetjum við leiðsögumenn til að vera í góðu samstarfi við landverði í Snæfellsskála, þeir eru þar til að aðstoða gesti þjóðgarðsins. Landvarsla er á svæðinu til 20. september, ef veður leyfir, og það er aldrei að vita nema það sé heitt á könnunni í skálanum. Sími landvarða í Snæfelli er **842-4367**.

Áhugavert er fyrir leiðsögumenn og gesti þeirra að skoða Snæfellsstofu á Skriðuklaustri (s. 470 0840) sem er opin daglega í sumar og haust. Sýningin *Veraldarhjólíð* leggur áherslu á gróður og dýralíf austursvæðisins. Meðal annars má sjá uppstoppaðan tarf á sýningunni. Einnig er upplýsingamiðstöð, minjagripaverslun og kaffisala í stofunni.

Mikilvægt er að leiðsögumenn kynni sér meðfylgjandi kort með mörkum þjóðgarðs og griðlands við Snæfell. Hnit af þjóðgarðsmörkum og griðlandsmörkum auk frekari upplýsinga um Vatnajökulspjóðgarð og Stjórnunar- og verndaráætlun má finna í Snæfellsstofu, í Snæfellsskála eða á heimasíðu þjóðgarðsins <https://www.vatnajokulsthjodgardur.is/is/thjonusta/upplýsingar-til-veidimanna>

Með ósk um áframhaldandi gott samstarf,

Þjóðgarðsvörður á austursvæði Vatnajökulspjóðgarðs,
Agnes Brá Birgisdóttir